

天一閣藏明代方志選刊續編

天一閣藏明代方志選刊續編
PDG

嘉靖鉛山縣志（江西）

正德新城縣志（江西）

天一閣藏明代方志選刊續編
四六

上海書店



縣 境







圖 之







鉛山縣志目錄

第一卷

建置沿革

分野

疆域附里至

城池附武備

形勝

第二卷

山川石巖洞
井泉附

風俗

物產

第三卷

圖籍街市鄉
坊鎮附

水利

第四卷

貢賦

田賦屯田子位漕政課
程鹽粮徭役里甲附

公署

驛傳
等附

第五卷

學校

附書院

祭器

典籍

第六卷

關隘

津梁

勳典

祀典

第七卷

宮室

第八卷

丘墓

古蹟

第九卷

秩官

名宦

第十卷

選舉

應例

封贈

第十一卷

人物 忠義孝友義行文學
宦績毅勇隱流寓賢

列女

第十二卷

外志 寺觀僊釋

鉛山縣志目錄畢

鉛山縣志卷之一

建置沿革

自郡縣天下以來鉛未縣也鉛之縣昉於南唐因式郭也夫物聚而無統則勢渙地狹而重制則力疲茲鉛之所以場而州終復縣經國者之慮審矣易曰革而當其悔乃亡茲革州爲縣之謂與

鉛山本撫建二州之地按禹貢周職方氏爲揚州境

春秋屬越 **戰國**屬楚 **唐**乾元元年江淮轉運使

元載之請置信州統玉山弋陽上饒永豐貴溪
五縣後祈上饒弋陽五鄉置爲場 **唐**保泰十
一年始即其地置鉛山縣屬信州以山產銅鉛
故名 **宋**初以縣直隸京師後復隸信州元改信
州爲路鉛山爲州隸淞江行中書省

信州 洪武二年改信州路爲廣信府鉛山州復爲縣
編戶五十七領鄉九都五十

分野

天高地下勢甚遼遠也而星土九野災祥類應如響蓋陰陽之氣本於地達於天見之星辰以垂象初非判然而爲二者觀諸諱書有曰歲星晦尾則饑燕太陰犯心則災豫其理可知矣噫君子於此有脩省之道焉容弗志

按廣信舊爲吳地在揚州域乃星紀之分唐書地理志亦云信州星紀之分漢書地理志云吳地斗

之分野則廣信爲斗之分野後漢書地理志謂自
斗十度婺女七度一名須女曰星紀之次則信在
星斗之間又按鄭樵天文畧陳卓張衡諸論謂九
江入斗一度豫章入斗十一度會稽入牛一度信
在秦屬九江會稽漢屬豫章則信當在牛斗之間
鉛山信屬邑分野同

疆域

先王之制分土定而綏理之責有所歸矣制國

不同凡為民也譬諸一身民其血氣而疆域其
軀體血氣充而後軀體固任綏理者所當深思
乎

鉛山縣境在府治南八十里東西廣二百一十里南

北袤一百六十里

東抵上饒縣黃貴社七十里西至邵武府烏嶺南抵建寧府崇

安縣分水關嶺八十里北抵弋陽縣亭山八十里

鐔路至省城四百五十里至南京一千八百里至北京二千七百里

城池

縣治立而人民聚府藏興解署列矣禦暴客而
備不虞於城池有賴焉故曰城者所以盛民也
春秋與諸侯城虎牢詩美周王之城朔方豈無
謂耶

鉛山舊無城池洪武元年二月千戶蔣奎築城延袤
四里七十二步有竒崇二丈東西南三面鑿池繚
城下闊四丈深一丈北因河爲池門五東曰仁壽
西曰義和南曰嘉會北曰麗澤西北曰水門皆覆

以樓周城設敵樓五巡警鋪四十九池舊三面接
河環城後東池淺涸不南通議者謂當䟽復樓傾
圯日久知縣朱鴻漸修葺之

武備附

鉛山守禦千戶所在縣治之西

額有官軍一千二百二十二員名

正千戶四員 副千戶四員 所鎮撫一員

百戶十二員 總旗三十四名 小旗八十名